

Научная статья

УДК 811.512.151

## Тыва улустуң тоолдарында «өлүм» деп сөстүң эвфемизмнери

### (Эвфемизмы со значением «смерть» в тувинских народных сказках)



**Начын М. Монгуш**

Тыва Республиканың Чазааның чанында Тываның гуманитарлыг болгаш тускай социал-экономиктег шинчилдер институту, словарьлар секторунун кол специализи, Кызыл, Тыва Республика, Россия, mongusnachyn@mail.ru

**Аннотация.** Ук ажылда тыва улустуң тоолдарында «өлүм» деп сөстүң эвфемизмнerin шинчилеп, оларның түннелдерин көргүсken. Аңы-анғы чылдарда парлаттынган «Тыва маадырлыг тоолдар I» (1990), «Тыва тоолдар III» (1955), «Тыва тоолдар IV» (1957), «Тыва тоолдар VI» (1963), «Тыва тоолдар VII» (1968), «Тыва улустуң тоолдары» (1947) деп номнарда кирген 57 тоолду сайгаргаш, 450 чижекти алган. Оларның иштинден кижини өлүрер деп уткада ажыглаттынган 39 эвфемизмни бо чүүлде сайгарып көргеш, оларны тургузуунун аайы-бile үш анғы бөлүккө чарган. Маадырлыг тоолдарда демисел, эжелел, дайын-чаа үргүлчү болуп туар болгаш, ук сөстүң ойзу адаар хевирлери хөйү-бile ажыглаттынып, тыва дылдың байлаан көргүзүп туар.

**Өзек сөстер:** тыва дыл, табу, ойзу адаан сөстер, эвфемизм, тыва улустун тоолдары

**Демдеглээрде:** Монгуш Н. М. «Тыва улустуң тоолдарында «өлүм» деп сөстүң эвфемизмнери» // Азиатские исследования: история и современность. 2023. № 2–3 (6–7). С. 92–104. DOI: 24412/2782-6139-2023-6-7-92-104.

#### **Начын М. Монгуш**

Тувинский институт гуманитарных и прикладных социально-экономических исследований при Правительстве Республики Тыва, главный специалист сектора словарей, Кызыл, Республика Тыва, Россия, mongusnachyn@mail.ru

**Аннотация.** В статье представлены результаты исследования эвфемизмов со значением смерть «өлүм» в тувинских народных сказках. Были собраны 450 примеров из 57 сказок из опубликованных книг: «Тыва маадырлыг тоолдар I» (1990), «Тыва тоолдар III» (1955), «Тыва тоолдар IV» (1957), «Тыва тоолдар VI» (1963), «Тыва тоолдар VII» (1968), «Тыва улустун тоолдары» (1947). Из них проанализированы только 39 эвфемизмов, имеющих значение «убить человека». Определены значения собранных эвфемизмов и проведена их классификация по структуре. В героических сказках всегда преобладают борьба, завоевания, поэтому часто встречаются иносказания данного слова, что доказывают богатство тувинского языка.

**Ключевые слова:** тувинский язык, табу, иносказание, эвфемизм, эвфемизмы со значением «смерть», тувинская народная сказка

Для цитирования: Монгуш Н. М. «Эвфемизмы со значением «смерть» в тувинских народных сказках» // Азиатские исследования: история и современность. 2023. № 2–3 (6–7). С. 92–104. DOI: 24412/2782-6139-2023-6-7-92-104.

## Euphemisms with the meaning of "death" in tuvan folk tales

Nachyn M. Mongush

Tuvan Institute of Humanitarian and Applied Social and Economic Research under the Government of the Republic of Tuva, chief Specialist of the dictionary sector, Kyzyl, Republic of Tuva, Russia, mongusnachyn@mail.ru

*Abstract.* The article presents the results of a study of euphemisms with the meaning of death "olum" in Tuvan folk tales. The author has collected 450 examples from 57 fairy tales published in books such as "Tyva maadyrlyg tooldar I" (1990), "Tyva tooldar III" (1955), "Tyva tooldar IV" (1957), "Tyva tooldar VI" (1963), "Tyva tooldar VII" (1968), "Tyva ulustun tooldary" (1947). Only 39 of them – euphemisms expressing the meaning of "to kill a person" have been analyzed by the author in the article. The values of the collected euphemisms are determined and their classification by structure is carried out. In heroic fairy tales, struggle and conquest always prevail, therefore, allegories of this word are often found, which proves the richness of the Tuvan language.

**Keywords:** euphemism, death, Tuvan folk tale, Tuvan language, taboo, allegory

*For citation:* Mongush N. M. (2023) "Euphemisms with the meaning of "death" in Tuvan folk tales" // Asian Studies: History and Modernity, no.2–3 (6–7). p.92-104. DOI: 24412/2782-6139-2023-6-7-92-104

### Кирилде

Кандыг-даа чоннун төрээн дылы – оларның сагыш-сеткилиниң көрүнчүү болур. Ында чоннун чүс-чүс чылдар иштинде тургустунуп келген делегайже көрүжү илереттинген. Кайы-даа дылда бир-ле коргунчуг, эпчок чүүлдерни, болуушкуннарны ойзуп адаар байдалдар тургустунуп келир. Ындыг сөстерни дыл эртеминде «табу» дээр, а оларны солуп, чымчадыр сөстерни «эвфемизм» дээр. Филология эртемнериниң доктору Е.П. Сеничкина «Эвфемизмы русского языка» деп ажылында «эвфемизм» деп терминни мынчаар тайылбырлап тураг «...это смягчённые слова и выражения. К эвфемизмам говорящий прибегает всякий раз, когда предполагает, что тема разговора может обидеть, принести боль или смущение собеседнику» [Сеничкина 2006, с. 3]. А «Орус дылдың тайылбырлыг словарында» эвфемизмни «слово или выражение, заменяющее другое, неудобное для данной обстановки или грубое, непристойное, напр. "уснул последним сном" вместо "умер", "неумен" вместо "глуп"» деп айттып тураг [Ожегов, Шведова 2006, с. 3373]. Тыва дылда *ойзу адаар* деп сөс каттыжышкыны бар. «Тыва дылдың тайылбырлыг словарында» айытканы болза: *ойзу* 1. Дорт эвес, долганып, кыдыры-бile. – В обход, мимо (пройти). 2. Дорт эвес, шала ёскээр. – Иначе, иными словами [ТСТЯ 2011, с. 425]. Ындыг болганда, «эвфемизм» деп терминни тыва дылче *ойзу адаар* сөс деп очулдуруп болур деп санап тураг бис.

Тыва чон бодунун ёзу-чаңчылдары, аажы-чаңының аайы-бile чугаазынга ойзу адаан сөстерни хөйү-бile ажыглап чоруур. Ындыг болганда, тыва дылды шинчилеп чораан болгаш ам-даа шинчилеп чоруур чамдык эртемденнер ук болуушкунче кичээнгейни салып, шинчилеледерни чорудуп турганнар. Оларга Ш.Ч. Сат [Сат 1984], Е.М. Куулар [Куулар 2018], Н.Д. Сувандии [Сувандии 2016], К.Б. Доржу [Доржу 2017] болгаш ёскелерни-даа демдеглеп болур. Ш.Ч. Сат «Тыва дылда табу болгаш эвфемизмнер» деп ажылында *өлүм* болгаш божуур деп сөстерниң эвфемизмнери, янзы-бүрү аарыглар аттары, аң-мендин аттары болгаш улуг назылыг кижилерге хамаарыштыр ажыглаар эвфемизмнери көрген [Сат 1984]. Н.Д. Сувандии биле Е.М. Куулар тыва литературлуг дылдың аңгы-аңгы диалектилеринде араатан аңнар болгаш күштарның аттары болгаш оларны аңнаарынга хамаарышкан эвфемизмнери аңгы-аңгы шинчилел ажылдарында көрген [Сувандии 2016; Куулар 2018]. К.Б. Доржу «Антон Уержааның поэзиязында эвфемизмнер» деп ажылында *өлүм* деп билиишкинниң эвфемизмнerin анализтеп көргүсken [Доржу 2017].

Өлүм дээргэ кижи бүрүзүнүң оюп эрттип шыдавазы болуушкун. Оон-бите холбаалыг чүүлдер билдинмес болганындан ол коргунчуг дээрzi кымга-даа билдингир. Ынчангаш тыва чон база-ла өске чоннаар ышкаш, өлүм деп сөстү дорт адавазын кызар. Ол дугайты М.Б. Кенин-Лопсан «Тыва чаңчыл. Тыва чоннуң ыдыктыг чанчылдары» деп номунда мынчаар бижээн: «Тывалар үе-дүүтэн турал-ла өлүм деп сөстү кижиин ҳар-назынының айы-бите аңгы-аңгы қылдыр ойзуп адаар чорааннаар. Бир эвес чаш кижи өлгөн болза: *чок апарган, бурлу берген, чиде берген, ойнай берген* дижир [Кенин-Лопсан 1999, с. 54].

Эртем чүүлүнүң сорулгазы – тыва улустуң маадырлыг болгаш анаа тоолдарында өлүм деп утканы илередир эвфемизмнериниң ажыглаттынып турарын шинчилеп көөр. Шинчилелдиң материалы қылдыр «Тыва маадырлыг тоолдар I» (1990), «Тыва тоолдар III» (1955), «Тыва тоолдар IV» (1957), «Тыва тоолдар VI» (1963), «Тыва тоолдар VII» (1968), «Тыва улустуң тоолдары» (1947) деп номнарда кирген 57 тоолду сайгарып көргөн, оон иштинден 450 чижекти алган. Оларның иштинден *кижини өлүрер* деп уткада ажыглаттынган 39 эвфемизми бо чүүлде сайгарып көөр бис.

Тыва улустуң маадырлыг болгаш анаа тоолдарында дүжүлгө, эт-хөренги, кадыннаар дээш бөдүүн кижи биле хаан азы кандыг-бир коргунчуг амытаннарның аразында демисел чоруп турар болганда, ук болуушкуннарның киржикчилери улуг улус болур. Ынчангаш чаш кижиин өлүмүн көргүскени ховар таваржыр.

Тоолдардан *кижини өлүрер* деп уткада ажыглаттынган дараазында чижектер тодаралтынган: 1) *чок қылыр*; 2) *өши кажырап, хыг кажырап*; 3) *кыргып-хыдырып, қырап*; 4) *амы-тынга хора чедирер*; 5) *амы-тынга чедер*; 6) *базар*; 7) *чорук чогудар*; 8) *өкпе-чүрээн үзе дүжүрер*; 9) *бажын кезер*; 10) *бажын алыр*; 11) *эът чиир чүве арттырбас*; 12) *айлаар*; 13) *соп каар*; 14) *тынын тудуп эккээр*; 15) *адып каар*; 16) *ханга боражыр*; 17) *базын тиилээр*; 18) *эндег қылыр*; 19) *дедир келбес черже чорудар*; 20) *кезээде турбас қылыр*; 21) *алзыр; мойнун кезит шаажылаар*; 22) *кара хан, кадыг эът чиир*; 23) *моюн сыгар*; 24) *хорадып каар*; 25) *амы-тынга кыжсаныр*; 26) *арылдырап; чуура часкаар*; 27) *адыш иштинге ойнадыр*; 28) *чылча дүжүрер*; 29) *бора-тоолайның хевин кедирер*; 30) *нөгүчүлээр*; 31) *дайычылаар*; 32) *кижи бажы чиир*; 33) *үзе ширбиир*; 34) *кара бажын шаштыр*; 35) *когун үзер*; 36) *дазылын үзер*; 37) *херек үүлгедир*; 38) *амызын адырап*; 39) *алыр<sup>1</sup>*. Ук бөлүктүң эвфемизмнерин тургузуунуң айы-бите дараазында биче

<sup>1</sup> Ук сөстер болгаш сөс каттыжыкыннарнындан «Тыва-орус фразеологизмнер словарында» [Хертек 1975] дөрдү таваржып турар: *өши кажырап, амы-тынга чедер, бажын алыр, когун үзер*.

бөлүктөрдө хувааган: 1. Чанғыс сөстен тургустунган. 2. Нарын сөстерден тургустунган. 3. Ийи азы оон хөй сөстерден тургустунган эвфемизмнер.

*Чанғыс сөстен тургустунган эвфемизмнер*

Чанғыс сөстен тургустунган эвфемизмнерге базар, аайлаар, алзыр, арылдырапар, нөгүчүлээр, дайычылаар, алыр дээн чергелиг сөстер хамааржыр.

*Базар.* Көргенивис тоолдарда ук сөс 19 катап таваржып турар. Чижээ: *Оол олургаши: – Ийе, дайзыныңарны баскаши, оран-чуртуңарны тайбыңзырадып кагым – деп-тири эвеспе* [Тыва тоолдар III 1955, с. 16]. «Тыва дылдың тайылбырлыг словарында» ук сөстүң дараазында уткаларын айыткан: *Базар* 6. Кырындан баспышаан, өлүрер. 7. Чок кылыр, узуткаар 8. Кырынга дүрген келгеш, далашканындан азы эскербээсинден өлүр таваар» [ТСТЯ I 2003, 200].

*Аайлаар.* «Тыва дылдың тайылбырлыг словарында» ук сөстүң көжүрген утказында «Амы-тынынга чедер, өлүрер» деп утказын киирген [ТСТЯ I 2003, 33]. «Тыва-орус словарьда» ук сөстүң: «убирать с дороги, убивать» деп утказын база киирген [ТРС 1968, с. 27] «Тыва-орус фразеологизмнер словарында» «*аайлап кааптар*» деп фразеологизм «өлүрер» деп сөстү солуп турар [Хертек 1975, с. 19] деп айыткан. Мону черле бир янзы *аайлаза эки боор – деп, мындыг-даа сүме кадып турган ашак иргин ийин* [Тыва маадырлыг тоолдар I 1990, с. 88]. Оон ангыда, ук сөс малды өлүреринге хамаарыштыр база ажыглаттынар. Чижээ: *Бо хойну аайлап көрем.*

*Алзыр.* «Тыва дылдың тайылбырлыг словарында» ук сөстү мынчаар тайылбырлаан: *Алзыр* 2. Мага-бодунун амы-тын-бile холбашкан чугула кезээн ышкынар, өлүртүр [ТСТЯ 2003, с. 116].

А «Тыва-орус словарьда» тайылбырлааны: *Алзыр /алыс=/* понуд.-страд. от ал= 1) быть взятым, попадать в чье-л. руки; 2) перен. быть убитым; 3) перен. попадать под чье-л. влияние, поддаваться обману; 4) перен. быть побежденным (побитым); проиграть; 5) приучать (молодняк) к чужой матке [ТРС 1968, с. 55]

Адаанда бердинген чижекте «алзып» деп сөс «өлүртүп» дээн уткада ажыглаттынган, ол утканы күштелдирип, тодарадып турар «олчаан баар» деп сөс каттыжышкыны база ажыглаттынып турар: – *Ол алдын күшиту эккелиңер дээши кандыг-даа экер-эрэс кижилер чорударымга, оруук доскуулунга алзып, олчаан баар чүве-дир* [Тыва тоолдар IV 1957, с. 128].

*Арылдырапар.* – *Aх, кулугурну ажынган өкпем-бile дүрген арылдырытый!* Көрген хилинчээм орнуун бичии көргүзөр чүвемни! – деп, хомуудап-даа турган эр чүвең иргин [Тыва тоолдар VI 1963, с. 237].

Үстүнде чижекте кол маадыр дайзынын уг-бile кээп, дүрген өлүргеш, ону «арылдырыптым» деп чугаалап олурар.

*Нөгүчүләэр.* – *Ынаар баарының орнунга мээн адам-илемни нөгүчүлөп каапкаштың, мени алгаш бар – деп чугаалаан* [Тыва маадырлыг тоолдар I 1990, с. 165]. Тыва дылдың словарьларында ук сөс демдеглеттимээн. Чүгле 1990 чылда үнген «Тыва маадырлыг тоолдар» деп номда ону «кубить», «прерывать жизнь» деп тайылбырлаан [Тыва маадырлыг тоолдар I 1990, с. 267]. Сөстүң утказын тодарадып кээривиске, моол дылдан үлгөрлөэни билдинип: *Нөгчих* – умереть, скончаться. *Нөхцөх* – скончаться, умереть [БАМРС II 2001, с. 418, 422] деп утканы илередир болган.

*Дайычылаар.* «Тыва дылдың тайылбырлыг словарында» «дайычылаар»: фольк. 1. Уничтожать в сражении. 2. Завоевать, отбирать насилино [ТСТЯ 2003, с. 381]. А «Тыва дылдың этимологтуг словарында» ук сөстү: дайычыла – 'сражаться, воевать, драться, бороться; отбирать насилино' [Татаринцев 2002, с. 68] деп тайылбырлап, «өлүрер» деп утка бербээн. Ынчалза-даа «Тыва дылдың тайылбырлыг словарында» уткага даянып, «өлүрер» деп сөстүң эвфемизми кылдыр алган бис: – *Мээн адам-илемни дайычылан каапкаши, мени алгаш, чоруй бар – деп мынчап сөглээн* [Тыва маадырлыг тоолдар I 1990, с. 166].

*Алыр.* Узун-Сарыг хаан соңгу аал-ораным-даа орта эвес-тир, бо турган аъттың ээзи мени алыр дайзын ол-дур деп, бодавасты бодап, сагынмасты сактып баксырап-ла эгелээн [Тыва тоолдар IV 1957, с. 91]. Тыва дылда «аарыг алгаш барган», «суг алгаш барган» деп сөс каттыжыышкыннары «аарааш өлген», «сугга дүжүп өлген» деп уткаларны илередир. Үстүнде чижекте «дайзын алыр» дээн уткада ажыглаттынган ы сөзүглелдин үтказындан билдинер.

*Кыrap.* «Тыва дылдың этимологтуг словарында» тайылбырлааны: *кыр-* ‘истреблять, выводить, уничтожать поголовно’ [Татаринцев 2004, с. 409]. Ук эвфемизм хөй кижини өлүрер дээн уткалыг ажыглаттынып турар. Чижээ: *Үне халып кээргэ, Далай хаан адазының демир шерии Караты хаанның хамык шерии кезик ажыр кыра берген туруп-тур* [Тыва тоолдар III, с. 61].

### *Нарын сөстерден тургустунган эвфемизмнер*

*Кыргып-хыдыыр* деп нарын кылыг сөзү ийи дөстен укталган: *кыргы-* – ‘истреблять, уничтожать полностью’ [Татаринцев 2004, с. 409], *хыды-* – ‘истреблять, уничтожать’ [ТРС 1968, с. 499].

Дараазында ук нарын сөс аң-менни хөйү-бile өлүрер деп уткада ажыглаттынып турар: – *Ол черге изиг мыйыстыг көк буга деп маңгыс чедип келгеш, (чонну) кыргып-хыдыып каавыткан. Артканывыс бо черде*

*чедип келгеш, арганың айын казып чип, аңын-мәчин аңап амыдырап чурттаң чоруур улус бис ийин, оглум – деп муңгарап чугаалап турган чүвөң иргин* [Тыва тоолдар III, с. 12].

### *Ийи азы оон хөй сөстерден тургустунган эвфемизмнер*

*Чок кылыр.* Чижээ: *Нарын чиңге хемниң ортузун чурттаан Эрелзей-Мерген дээрзи мээн хaan төрөмгө каржыс дайзынның бирээзи болур чuve болганда, бо дайзынны чок кылгашиңың, ооң увун үтпен албас болзумза, кедизинде барып багай болур эвеспе...* [Тыва тоолдар III 1955, с. 4]. Бо эвфемизмгэ хамаарыштыр алырга «Тыва-орус фразеологизмнер словарында» *чок анаар* деп фразеологизм бар [Хертек 1975, с. 189]. Ындыг болганда, «*чок кылыр*» болгаш «*чок анаар*» деп сөс каттыжышкыннары кылыг сөстүг конверсив апаар. Оон ыңай оларга дараазында эвфемизмнерни база кирип болур: *баш бээр – бажын алыр, амы-тынга чедер – амы-тындан чарлыр, хорадып каар – хораар*.

*Өшىк жылар, хыг жылар.* Өшىк – сагыштыы-бile багай чuve кыллыры [ТСТЯ II, с. 538]; Хыг – месть [ТРС 1968, с. 498]; *Жылар – 1. Ойладыр, чандырар. 2. (Өжээн) негээр* [ТСТЯ II, с. 36]. Тыва дылда өжээн негээр деп сөс каттыжышкыны база бар. Ынчалза-даа ук сөстерни эвфемизм кылдыр алган чылдагаанывыс болза, тоолдун маадыры дайзыннын албан-бile өлүрер дээш чорууру билдинер. Чижээ: *Эрелзей-Мерген олургаи: – Мен өштүг кижи өжүм жылар, хыктыг кижи хым жылар, акым, силер-даа ажынмаңар...* [Тыва тоолдар III 1955, с. 10].

*Чорук чогудар.* Тыва дылда ук сөс каттыжышкыны «бир-ле черже кандыг-бир сорулгалыг чорааш, он бүдүрүп, чогудуп алган» деп утканы илередир. А дараазында чижекте: *Ашак олургаи: – Чораан чорууч чогумчалыг болду бе, оглум? – деп-тир* [Тыва тоолдар III 1955, с. 16]. Мында база тоолдуң маадыры көк буганы өлүрер дээш чоруп бар чытканы сөзүглелден билдингир. Ынчангаш ак салдыг ирэй көк буганы «өлүрүп» каанын айтырып олурар. Бо сөс каттыжышкының чүнү илередип турарын чүгле ийи кижи билир болганда, арготизмнерге<sup>2</sup> чоок. Ынчалза-даа ол кыска үе дургузунда ажыглаттынып, дайзынның өлүмүнүн дугайында болганда, эвфемизм кылдыр санап тураг бис.

*Бажын кезер, бажын алыр.* Ук сөстер канчап-даа кээргэ өлүмгэ кээр

<sup>2</sup> АРГОТИЗМЫ. 1. Специфические лексические единицы социолекта, характеризующие словарный состав языка уголовников и других социально-профессиональных групп. 2. Лексические единицы, обороты речи, свойственные социолекту, в составе литературного языка, в публичной речи как стилистическая категория или стилистический прием воздействия на слушателя, читающего: Вы же такое загибать умели, что другой на свете не умел (Маяковский); Мы будем мочить бандитов в сортире (В. Путин) [Энциклопедический словарь-справочник... 2014, с. 25]

кылдыныгларны адап тураг-даа болза, «өлүрер» деп сөс ажыглаттынмаан болганындан эвфемизмнерге хамаарыштырып болур чылдагаан бар. Чижээ: – *Бо ийи ытты туткаш, бажын кезип каңар!* – деп чарлык болурга, ийи хааның бажын кезер дээши баглай берген [Тыва тоолдар III 1955, с. 46].

Тоолдарда кижини мындыг арга-бile шаажылаары хөлчөк нептеренгей болганындан 57 тоолдун иштинден ук эвфемизмнер 28 катап таваржып тураг.

*Сон каар. Хеймер-оол бичии борбак дажын көргүскеши:* – *Шак бо даши-бile son каар-ла мен – деп харыылаарга...* [Тыва тоолдар III 1955, с. 93].

«Согар» деп сөс тыва дылда бода малдың тынын үзеринге хамаарылгалыг ажыглаттынып тураг. Бо таварылгада кижиге хамаарыштыр ажыглаттынган.

*Базын тиилээр.* Бо таварылгада хүрешкеш октап, тиилеп алган деп болур. Ынчалза-даа «базар» деп сөс колдуунда-ла «өлүрген» деп уткалыг ажыглаттынар. Чижээ: *Тевене-даа Сайын-оол мөгени базын тиилээши, Тайга-Саралазын даргададын салгаши, Кавындының он чеди сай куу кадынын, ара-албатызы, азыраан малы-бile эккээр дээши чорупкан иргин* [Тыва тоолдар IV 1957, с. 27].

*Хорадын каар.* Ук эвфемизм хөй кижиге азы дириг амытаннарга хамаарыштыр ажыглаттынар турган болза, бо таварылгада чангыс кижиге хамаарыштыр ажыглаттынганы-бile солун. Чижээ: – *Мээн эки адамны өлүрген сен - дээши, бөле куспактаарга, арай холу четпес, тевер дээрge, арай буду четпес. Моон биче өзүп алган боорумгай!* - деп, ак саргы дег сырбактанып, адырылбайн турган. Оон эр арай деп хол, будун адыра тырткаш, бөле-хаара тудуп ал-ла, чергэе арай деп хора чок кылдыр хорадын каан [Тыва тоолдар VI 1963, с. 210].

*Үзе ширбиир.* Бо сөс каттыжышкының бирги «үзе» деп компонентизи «шавар» азы «согар» деп сөстер-бile ажыглаттынар. Бо таварылгада «ширбиир» деп сөстү ажыглааны солун. Чижээ: *Бирээзиниң мойнундан, бирээзиниң белинден үзе ширбигилей каап туруп-тур* [Тыва маадырлыг тоолдар I 1990, с. 191].

*Амы-тынга хора чедирер, амы-тынга чедер.* Хора чедирер деп сөс каттыжышкыны амы-тын деп сөс-бile кады ажыглаттынганда, өлүрер деп утка илередир апаар. Чижээ: – *Ындиг болза, ирем, мен ол хоралыг амытанни дыңнааш, ооң амы-тынынга хора чедирип болур ирги бе деп бар чыдар кижи мен, ооң илби-шидизин айтып берип көрүңер – деп-тир*

[Тыва тоолдар III 1955, с. 13].

Этъ чиир чүве арттырбас. Дилгижек-оол ыглаңайнып: – Ындыг болза устуғулерниң Курбусту хаанының аалынга чордум, «алдыры оранда этъ чиир, оът чиир чаактыг чүве арттырбас, чаактыг бажын чара чаңык дүжсүрүп кааптар мен» деп кончуг Курбусту хаан килемнээн, ынчангаши тын – алдын, хүн – кузел болгаш баш сугар чүве тыппайн турарым ол-дур ийин – деп-тири эвеспе [Тыва тоолдар III 1955, с. 69]. Устунде чижекте «этъ чиир, оът чиир чүве» дээрge кижилер биле дириг амытаннаар болур, оларны доозазын өлүррер дээ nin көргүскен.

Дедир келбес черже чорудар. Олар база-ла сүмелеишкеши, черле дедир келбес черже чорудар-дыр боларны дээши, база-ла күши өттүнүп эткеннер-дир [Тыва тоолдар IV 1957, с. 117]. Бо чижекте кижини бир черже чорупкаш, аңаа олчаан өлзүн дээрде ук эвфемизмни ажыглааны онзагай.

Кезээде турбас кылыр. – Ол чүү дээриң ол боор, күжсүр оглукум, албыстай берип-тири сен, сен хамаанчок кандыг-даа экер-эррес эрлер келгеш, шыдыраалаши чадап каан, дууховуда даши көжээлерни көрбедин бе, кончуун, сени база ынчаар кезээде турбас кылдыр хуулдур үрүттер, ынчап калчааравайн, биске оол бол – деп-тири эвеспе [Тыва тоолдар IV 1957, с. 118]. Мында чайлаш чок өлүртүп каарын, өлгөн кижи кажан-даа туруп келбезин элдээртип, чечен-мерген ойзу чугаалаан.

Мойнун кезип шаажылаар. Шаажылаары дээрge-ле кеземчениң дээди чадазы, чүгле амы-тынынга чедер турганы дараазында чижекте көстүр: Хаан ажынып килемнээши, ийи улуг оглун дүржсок хейлер дээши, мойнун кезип шаажылаан иргин [Тыва тоолдар IV 1957, с. 135].

Кара хан, кадыг этъ чиир. Ханын төгүлдүр эттеп-эриидеп, оон амы-тынынга чедип каар дээниң элдээртикен: – Херек чок чувени чүгэе эккелдирген, мээн кара ханым, кадыг этъдим чиир бодааны ол ирги бе? – деп, ажынып турган иргин [Тыва тоолдар VI 1963, с. 38].

Амы-тынынга кыжсаныр. Ук сөс каттыжышкыны кижини өлүррер дээниң илередир. «Кыжсаныр» деп сөс кандыг-бир хора чедирерин база илередип болур, ынчалза-даа дараазында чижекте болгаш тоолдун сөзүглелинде кол маадыр өлүртикен турган. – Эр бодуү эр-ле-дир сен, эррес угааның арай-ла уян-дыр. Амы-тынынга кыжсанган артында дайзының биле тура, чүгэе арагалап-хымызадың? Оон кеземчези кылдыр аյт чок чадаг, бо өртөмчийгэ үши айның тозан хонук чурттаар сен – дээши маңнат чоруй барган [Тыва тоолдар VI 1963, с. 62].

*Бора-тоолайның хевин кедирер. Оон Танаа-Херелге аъды тура база-ла: – Бора-тоолайның хевин кедирбес болзуңза, бо чаага бастырар сен.* [Тыва маадырлыг тоолдар I 1990, с. 127].

Көргенивис чижекте ам болур болуушкуннуң мурнунда бора-тоолайны кедеп олургаш өлүрген, ам дараазында дилгини база шак-ла ынчаар өлүрер дээрзин ындыг янзылыг элдээрткен.

*Кара бажын шаштыр.* Ук сөс каттыжышкыны-бile шаажылаткан кижииниң бажын кезип өлүрер дээнин көргүсken, чижээ: *Мөгө олургаи: – Чүү мындыг олут кижизинге чугаа, чорук кижизинге саат болган, чораан бодун, мунган аъдын билинмес чүвөл? Аксын-сөзүн алгаши, кара бажын шаштыр кулугур-дур!* – деп, ажынып-хорадап туруп-тур эвеспе [Тыва тоолдар VII 1968, с. 122].

Ук тема-бile ажылдап тура, Я.Ш. Хертектиң «Тыва-орус фразеологизмнер словарында» [Хертек 1975] «өлүм» деп сөстү ойзу адаан фразеологизмнерниң хөйүн база эскерген бис. Оларга: *аайлап кааптар, аза ораны баар болгаш оон-даа өске 55 быжыг сөс каттыжышкыннары хамааржыр.* Коргунчуг, хоруглуг болгаш эпчок сөстерни ойзуп, өскээр адаар чаңчыл эвфемизмнер тывылдырар болганда, ук фразеологизмнерни база эвфемизмнер кылдыр санап болур.

### *Түңнел*

Тыва чонга «өлүрер» деп сөс аажок коргунчуг болганиндан, каржы дайызыннарга хамаарштыр безин ону дорт адавайн чораан. Мoон алгаш көөрге, тыва чон черле шаг-төөгүден аксы-сөзү чымчак чораанындан, ол сөстүн коргунчуг болганиндан «өлүм» деп сөстү дорт адавайн чорааны ооң орнунга ажыглап турганы эвфемизмнерниң хөйү, дылдың сөс курлавырының кайы хире байлаан бадыткап тураг. Тыва улустун маадырлыг тоолдарында үргүлчү демисел, дайын-чаа бар болгаш, бо эвфемизмнерниң хөй ажыглаттынганы билдингир.

### **Ажыглаан литература:**

1. Арутюнова 1976 – Арутюнова Н. Д. Предложение и его смысл. Логико-семантические проблемы. М.: Наука, 1976. 382 с.
2. Доржу 2017 – Доржу К. Б. Эвфемизмы в поэзии Антона Уержаа // Вестник. Социальные и гуманитарные науки, 2017. 149 с.
3. Каксин 2016 – Каксин А. Д. О табу и подставных названиях в хантыйском и хакасском языках // Томский журнал лингвистических и антропологических исследований. 2016. № 1 (11). С. 45-52.
4. Каксин 2017 – Каксин А. Д. Табуированная и эвфемистическая лексика, обозначающая зверей и животных в хакасском языке // Мир науки, культуры, образования. 2017. № 4. С. 249-251.

5. Кенин-Лопсан 1999 – Кенин-Лопсан М. Б. Тыва чаңчыл. Тыва чоннуң ыдыктыг чанчылдары. – Тувинские традиции. Книга вторая: Священные традиции тувинского народа. – Кызыл: Тувинское отделение педагогического общества при Министерстве образования Республики Тыва: Издательство «Новости Тувы», 1999. 352 с.
6. Ларин 1961 – Ларин Б. А. О эвфемизмах // Уч. записки ЛГУ. – Серия филологических наук. 1961. Вып. 60. № 301. С. 110-117.
7. Монгуш 2009 – Монгуш Д. А. Об одном типе предложения фразеологизированной структуры в тувинском языке // Тувинский язык и письменность. Избранные труды. Научное издание. Кызыл. ГУП РТ «Тываполиграф». 2009. 248 с.
8. Ожегов, Шведова 1996 – Ожегов С. И., Шведова Н. Ю. Толковый словарь русского языка. М.: ИТИ Технологии. Изд-е 4-е, доп. 2006. 2152 с.
9. Павлова 1996 – Павлова И. П. Лексическая система эвфемизмов якутского языка: семантика и структура. Автореферат диссертации на соискание ученой степени кандидата филологических наук. – Якутск, 1996. 23 с.
10. РТС 1980 – Русско-тувинский словарь. М.: Русский язык, 1980. 660 с.
11. Сат 1981 – Сат Ш. Ч. Табу и эвфемизмы в тувинском языке // Советская тюркология, № 5, 1981. С. 42-45.
12. Сеничкина 2008 – Сеничкина Е. П. Словарь эвфемизмов русского языка / Е. П. Сеничкина. М.: Флинта; Наука. 2008. 464 с.
13. Сеничкина 2006 – Сеничкина Е. П. Эвфемизмы русского языка: Спецкурс: Учеб. пособие / Е. П. Сеничкина. – М.: Высшая школа, 2006. 151 с
14. Сувандий 2016 – Сувандий Н. Д. Табу и эвфемизмы в охотничьей лексике тувинского языка // Филологические науки. Вопросы теории и практики. 2016. № 5 (59): в 3-х ч. Ч. 2. С. 138-141.
15. Татаринцев 2000 – Татаринцев Б. И. Этимологический словарь тувинского языка. Том I. – Новосибирск: «Наука». 2000. 398 с.
16. Татаринцев 2002 – Татаринцев Б. И. Этимологический словарь тувинского языка. Том II. – Новосибирск: «Наука». 2002. 388 с.
17. Татаринцев 2004 – Татаринцев Б. И. Этимологический словарь тувинского языка. Том III. – Новосибирск: «Наука». 2004. 438 с.
18. Татаринцев 2008 – Татаринцев Б. И. Этимологический словарь тувинского языка. Том IV. Новосибирск: «Наука». 2008. 440 с.
19. ТСТЯ 2003 – Толковый словарь тувинского языка. – Новосибирск: «Наука». 2003. 597 с.
20. ТСТЯ 2011 – Толковый словарь тувинского языка. – Новосибирск: «Наука». 2011. 796 с.
21. ТРС 1968 – Тувинско-русский словарь. – М.:Изд-во восточной литературы. 1968. 646 с.
22. Тыва маадырлыг тоолдар I – Кызыл, 1990. 272 с.
23. Тыва тоолдар III – Кызыл, 154 с.
24. Тыва тоолдар IV – Кызыл, 1957. 183 с.
25. Тыва тоолдар VI – Кызыл, 1963. 240 с.
26. Тыва тоолдар VII – Кызыл, 252 с.
27. Тыва улустун тоолдары – Кызыл, 1947. 329 с.
28. Хертек 1975 – Хертек Я. Ш. Тыва дылдың фразеологутг словары. Кызыл, 1975. 205 с.

29. Яимова 1985 – Яимова Н. А. Табуированная лексика и эвфемизмы в алтайском языке. Автореферат диссертации на соискание ученой степени кандидата филологических наук – Москва, 1985. 18 с.

### References:

1. Arutyunova, N.D. (1976) “Predlozhenie i yego smisl. Logiko-semanticheskie problemy” [The sentence and its meaning. Logical and semantic problems], Moscow, Nauka, 382 p. (In Russ.).
2. Dorzhu, K. B. (2017) “Evfemizmi v poezii Antona Uerzhaa” [Euphemisms in the poetry of Anton Uerzhaa], Vestnik. Sotsial’nie i gumanitarnie nauki, 149 p. (In Russ.).
3. Kaksin, A. D. (2016) “O tabu i podstavnikh nazvaniyakh v khantiiskom i khakasskom yazikakh” [About taboos and fake names in the Khanty and Khakass languages], Tomskii zhurnal lingvisticheskikh i antropologicheskikh issledovanii, no. 1 (11). p. 45-52. (In Russ.).
4. Kaksin, A. D. (2017) “Tabuirovannaya i evfemisticheskaya leksika, oboznachayushchaya zverei i zhivotnikh v khakasskom yazike” [Taboo and euphemistic vocabulary denoting animals and animals in the Khakass language], Mir nauki, kul’turi, obrazovaniya, no. 4, p. 249-251. (In Russ.).
5. Kenin-Lopsan, M. B. (1999) “Tiva chanchil. Tiva chonnun idiktig chanchildari” [Tuvan traditions. Sacred Traditions of the Tuvan people], Kyzyl, 352 p. (In Tuv.).
6. Larin, B. A. (1961) “O evfemizmakh” [On euphemisms], Uch. zapiski LGU, Seriya filologicheskikh nauk, vol. 60, no. 301, p. 110-117. (In Russ.).
7. Mongush, D. A. (2009) “Ob odnom tipe predlozheniya frazeologizirovannoj strukturi v tuvinskem yazike” [About one type of sentence phraseologized structure in the Tuvan language] Tuvinskii yazik i pismennost’. Izbrannie trudi. Nauchnoe izdanie. Kyzyl, “Tyvapolygraf”, 248 p. (In Russ.).
8. Ozhegov, S. I., Shvedova, N. Yu. (2006) “Tolkovii slovar’ russkogo yazika” [Explanatory dictionary of the Russian language], Moscow, 4th edition, supplement, 2152 p. (In Russ.).
9. Pavlova, I. P. (1996) “Leksicheskaya sistema evfemizmov yakutskogo yazika: semantika i struktura” [Lexical system of euphemisms of the Yakut language: semantics and structure]. Abstract of Philol. Cand. Diss. Yakutsk, 23 p. (In Russ.).
10. RTS (1980) “Russko-tuvinskii slovar’” [Russian-Tuvan Dictionary]. M.: Russkii yazik, 660 p. (In Russ.).
11. Sat, Sh. Ch. (1981) “Tabu i evfemizmi v tuvinskem yazike” [Taboos and Euphemisms in the Tuvan language], Sovetskaya tyurkologiya, no. 5, p. 42-45. (In Russ.).
12. Senichkina, Ye. P. (2008) “Slovar’ evfemizmov russkogo yazika” [Dictionary of euphemisms of the Russian language], M.: Flinta; Nauka, 464 p. (In Russ.).
13. Senichkina, Ye. P. (2006) “Evfemizmi russkogo yazika: Spetskurs: Ucheb. posobie” [Euphemisms of the Russian language: Special course: Textbook], M.: Vissshaya shkola, 151 p. (In Russ.).
14. Suvandii, N. D. (2016) “Tabu i evfemizmi v okhotnichei leksike tuvinskogo yazika” [Taboos and euphemisms in the hunting vocabulary of the Tuvan language] Filologicheskie nauki. Voprosi teorii i praktiki, no. 5 (59), p. 138-141. (In Russ.).
15. Tatarintsev, B. I. (2000) “Etimologicheskii slovar’ tuvinskogo yazika” [Etymological dictionary of the Tuvan language], vol. I, Novosibirsk, Nauka, 398 p. (In Russ.).
16. Tatarintsev, B. I. (2002) “Etimologicheskii slovar’ tuvinskogo yazika” [Etymological dictionary of the Tuvan language], vol. II, Novosibirsk, Nauka, 388 p. (In Russ.).

17. Tatarintsev, B. I. (2004) “Etimologicheskii slovar’ tuvinskogo yazika” [Etymological dictionary of the Tuvin language], vol. III, Novosibirsk, Nauka, 438 p. (In Russ.).
18. Tatarintsev, B. I. (2008) “Etimologicheskii slovar’ tuvinskogo yazika” [Etymological dictionary of the Tuvin language], vol. IV, Novosibirsk, Nauka, 440 p. (In Russ.).
19. TSTYA (2003) “Tolkovii slovar’ tuvinskogo yazika” [Explanatory dictionary of the Tuvin language], Novosibirsk, «Nauka», 597 p. (In Russ.).
20. TSTYA (2011) “Tolkovii slovar’ tuvinskogo yazika” [Explanatory dictionary of the Tuvin language], Novosibirsk, «Nauka», 796 p. (In Russ.).
21. TRS (1968) “Tuvinsko-russkii slovar’” [Tuvin-Russian Dictionary], M.:Izd-vo vostochnoi literatury, 646 p. (In Tuv.-Russ.).
22. “Tyva maadyrlyg tooldar” [Tuvin heroic Tales], vol. I, Kyzyl, 1990, 272 p. (In Tuv.).
23. “Tyva tooldar” [Tuvin fairy tales] vol. III, Kyzyl, 1955, 154 p. (In Tuv.).
24. “Tyva tooldar” [Tuvin fairy tales] vol. IV, Kyzyl, 1957, 183 p. (In Tuv.).
25. “Tyva tooldar” [Tuvin fairy tales] vol. VI, Kyzyl, 1963, 240 p. (In Tuv.).
26. “Tyva tooldar” [Tuvin fairy tales] vol. VII, Kyzyl, 1968, 252 p. (In Tuv.).
27. “Tyva ulustun tooldary” [Tuvin folk tales], Kyzyl, 1947, 329 p. (In Tuv.).
28. Khertek, Ya. Sh. (1975) “Tiva dildin frazeologtug slovari” [Phraseological dictionary of the Tuvin language], Kyzyl, 205 p. (In Tuv.).
29. Yaimova, N. A. (1985) “Tabuirovannaya leksika i evfemizmi v altaiskom yazike” [Taboo vocabulary and euphemisms in the Altai language], Abstract of Philol. Cand. Diss. Moscow, 18 p. (In Russ.).

*Информация об авторе:*

*Начын М. Монгуш, аспирант кафедры тувинской филологии и общего языкоznания ТывГУ, главный специалист сектора словарей Тувинского института гуманитарных и прикладных социально-экономических исследований при Правительстве Республики Тыва, Кызыл, Россия; Республика Тыва, 667000, Россия, Кызыл, ул. Кочетова 4.*

*e-mail: mongusnachyn@mail.ru*

*Author ID РИНЦ: 1080648*

*Information about the author:*

*Nachyn M. Mongush, Postgraduate Student of the Department of Tuvin Philology and General Linguistics of TyvSU, Chief Specialist of the Dictionary Sector, Tuvin Institute of Humanitarian and Applied Socio-Economic Research under the Government of the Republic of Tuva, Kyzyl, Russia; 4 Kochetova str., Kyzyl, the Republic of Tuva, Russia.*

*e-mail: mongusnachyn@mail.ru*

*ORCID ID: 0000-0001-8784-3323*